

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

16.01.2019թ.

ք. Արմավան

Հարկադիր կատարումն ապահովող ծառայության Կոտայքի մարզային բաժնի Արմավանի տարածաշրջանի բաժանմունքի հարկադիր կատարող Հ.Մկրտչյանս ուսումնասիրելով թիվ 03534891 կատարողական վարույթի նյութերը.

Պ Ա Ր Զ Ե Ց Ի

ՀՀ Կոտայքի մարզի ընդհանուր իրավասության դատարանի կողմից տրված թիվ ԿԴ1/2491/02/16 կատարողական թերթի համաձայն պետք է Սոֆյա Գևորգի Վարդանյանի և Նելսոն Խաչիկի Հովհաննիսյանի անչափահաս երեխաներ՝ 25.05.2009թ. ծնված Տիգրան Նելսոնի Հովհաննիսյանի և 13.06.2014թ. ծնված Լուսինե Նելսոնի Հովհաննիսյանի բնակության վայրը սահմանել Սոֆյա Գևորգի Վարդանյանի բնակության վայրը:

Նելսոն Խաչիկի Հովհաննիսյանից հագուտ Սոֆյա Գևորգի Վարդանյանի՝ որպես իրենց երեխաներ՝ 25.05.2009 թվականին ծնված Տիգրան Նելսոնի Հովհաննիսյանի և 13.06.2014 թվականին ծնված Լուսինե Նելսոնի Հովհաննիսյանի ապրուստի միջոց, բռնագանձել ալիմենտ՝ կայուն դրամական գումարով՝ յուրաքանչյուր երեխայի համար ամսական 40.000 /քառասուն հազար/ ՀՀ դրամ գումարի չափով, ամսական ընդամենը՝ 80.000 /ութսուն հազար/ ՀՀ դրամի չափով:

Ալիմենտի բռնագանձումը՝ Լուսինե Նելսոնի Հովհաննիսյանի ապրուստի համար կատարել 2016 թվականի դեկտեմբերի 23-ից, Տիգրան Նելսոնի Հովհաննիսյանի ապրուստի համար՝ վճիռն օրինական ուժի մեջ մտնելու պահից:

Ալիմենտի բռնագանձումը կատարել մինչև երեխաների չափահաս դառնալը:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով.

Ո Ր Ո Շ Ե Ց Ի

Պարտապան Նելսոն Խաչիկի Հովհաննիսյանի անվամբ սեփականության իրավունքով գրանցված ներքոհիշյալ գույքը.

h/h	լոտի անվանումը նկարագիրը	գնահատման գինը	մեկնարկային գինը	գույքի քանակը
1.	Կոտայքի մարզ, գյուղ Զրվեժ, 8-րդ փողոց, 3 տուն հասցեում գտնվող անշարժ գույքը, հողամասի մակերեսը 482քմ, բնակելի տան մակերեսը 302.6քմ, տնտեսական շինության մակերեսը 34.6 քմ., մուտքի դուռը երկաթյա, ներքին դռները փայտյա, ավտոկայանատեղի, գազաֆիկացված, պատուհանները՝ մետաղապլաստե,	39.180.000 դրամ	29.385.000 դրամ	1 հատ

ներկայացվում է հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ harkadir.ajurd.am միջոցով: Հարկադիր էլեկտրոնային աճուրդի սկիզբը՝ 12.03.2019թ.:

Որոշման պատճենը ուղարկել կողմերին:

Որոշումը կարող է բողոքարկվել ՀՀ Վարչական դատարան կամ վերադատության կարգով որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները:

Ծ Ա Ն Ո Թ ՈՒ Թ Յ ՈՒ Ն Յուրաքանչյուր լուտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լուտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լուտի մասին ծանուցումը:

Եթե աճուրդը չի կայացել գնորդ չլինելու կամ լուտի մեկնարկային գնի հավելում չկատարվելու հիմքերով, ապա հաջորդ հարկադիր աճուրդ կազմակերպելուց վաճառվող լուտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լուտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լուտի մեկնարկային գնի իջեցում տեղի չի ունենում:

«Հրապարակային սակարկությունների մասին » ՀՀ օրենքի 35.4 հոդվածի 4-րդ և 5-րդ մասերի համաձայն երկրորդ և յուրաքանչյուր հերթական աճուրդից հետո, լուտը / գույքը / չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունելու այդ աճուրդի մեկնարկային գնով: Պահանջատերը պահանջի դիմաց լուտը իրեն հանձնելու վերաբերյալ գրավոր պահանջը կարող է ներկայացնել ԴԱՀԿ ծառայություն մինչև չկայացած աճուրդից հետո երկրորդ աշխատանքային օրվա ավարտը:

Հարկադիր կատարող

Հ. Մկրտչյան

